

# Peqqinnissaqarfik – napparsimasup naammagittaalliutaa

## ► SOOQ PEQQINNISSAQARFIK PILLUGU NAAMMAGITTAALLIUSSAANGA?

Peqqinnissaqarfimmi naammaginngisannik nakorsartissimaguit, Nakorsaaneqarfimmut naammagittaalliuteqarsinnaavutit.

Peqqinnissaqarfimmi aamma kiffartuussineq pillugu naammagittaalliuteqarsinnaavutit, kiffartuussinerit ilaatigut ukuusinnaapput: Sulisut pissusilorsorerat, ammasarfiit, utaqqinerup sivisussusia imaluunniit piffinni aalajangersimasuni pissutsit, ass. peqqissaaviup tikikkuminaanera.

## TAARSIIFFIGITINNISAMUT QINNUTEQAAT

Naammagittaalliuteqarninnut atatillugu aamma taarsiiffigitinnissamut qinnuteqarsinnaavutit. Taarsiiffigitissinnaavutit suliarineqarnerpit kingorna anniaateqalersimaguit, imaluunniit kukkusumik nakorsarneqarnerup kingunerisaanik aningaasanik annaasaqarsimaguit. Sulisinnaannginnermi annaasaqaatit, ataavartumik ajoqutigilikkat, inuussutissarsiorsinnaanermik annaasaqarneq il.il. pillugit taarsiiffigitinnissannut qinnuteqarsinnaavutit.

## ► QAQUGUKKUT NAAMMAGITTAALLIUTEQASSAANGA?

Peqqinnissaqarfimmi nakorsartinnivit kukkusuunerata maluginialerneranit ukiut marluk qaangiutsinnagit naammagittaalliuteqassaatit imaluunniit ass. suli anniaruit. Nakorsartinnivilli ukiut tallimat qaangiutinnginnerini naammagittaalliuteqarsinnaavutit, tassa imaappoq naammagittaalliutit sivisunerpaamik ukiut tallimat matuma siorna pisimassaaq. Peqqinnissaqarfimmili kiffartuunneqarnerit pifissamik killiligaanngitsumi naammagittaalliutigineqarsinnaapput.

## NAAMMAGITTAALLIUTEQANNGINNINNI

Nakorsartiffigisat tamatigut atassuteqarfigisarsinnaavat sulisullu qanoq misigisimaninnik nakorsartinninnullu tunngatillugu oqaloqatigalugit, nakorsartiffigisanniittumilli oqaloqateqarusunngikkuit Peqqinnissaqarfimmi siunnersorti attavigisinnaavat. Siunnersorsinnaavaatit periarfissatit pillugit.

Peqqinnissaqarfimmi siunnersorti ugguna attavigisinnaavat:

E-mail: [siunnersorti@peqqik.gl](mailto:siunnersorti@peqqik.gl) imaluunniit telefon: 34 40 50.

## QANOQ ILILLUNGA NAAMMAGITTAALLIUSSAANGA?

- Nakorsartinnermut naammagittaalliutip immersorneratigut aamma naammagittaalliorssinnaavutit, sullissivik.gl-miippoq [Nakorsartinnermut naammagittaalliummik nassiussigit \(sullissivik.gl\)](mailto:Nakorsartinnermut_naammagittaalliummik_nassiussigit@sullissivik.gl).
- Naammagittaalliuut immersoriarlugu aamma emailitut nassiussinnaavat uunga [nun@nanoq.gl](mailto:nun@nanoq.gl) imaluunniit anillatseriarlugu allakkatigut nassiullugu uunga:  
Kalaallit Nunaanni Nakorsaaneqarfik, postboks 120, 3900 Nuuk
- Nakorsaaneqarfimmut naammagittaalliorssinnaavat ikiorneqassaatit uunga sianerlutit tlf. 34 50 50.

## TAAVA KINGORNA QANOQ ILIUSSAANGA?


Kiffartuunneqarnerit pillugu naammagittaalliuteqarsimaguit naatsorsuutigissavat qaammatit sisamat ingerlanerini akissutisinissat.

Peqqinnissaqarfimmi nakorsartinnerit pillugu naammagittaalliuteqarsimaguit naatsorsuutigissavat ukioq ataaseq affarlu sivisunerusumiluunniit qaangiuppata akissutisinissat.

## ERSEQQISSAAT: NUTAAMIK NALILIINEQ (ALLAMIK NAKORSAMIICK NALILIINEQ)


Pisinnaatitaaffigiuannarpat allamik nakorsamiik naliliisoqarsinnaanera, naak nakorsamit takuneqareeraluarlutit naliliisoqareeraluarlorlu. Ass. Nakorsaq oqaaseqaatiliorsimappat sapaatip akunneranut 10 tiimi sulisinnaasutit, illillu 10 tiimini sulisinnaanak. Noqqaassutigiuannarsinnaavat nutaamik naliliisoqarnissaanut.

# Qanoq pisoqarnerani Peqqinnissaqarfiup naammagittaalliutiginissaanut assersuut



Napparsimmavimmi Inuk nissumigut suliaritippoq. Uninnganermini misigisimavoq sulisunit pitsasumik pineqarani. Inuk pisunniarnissaminut ikiorneqartangilaq wc-liarnissaminullu ikiortinniarluni sivisooru-jussuarmik utaqqisariaqartarpoq.

Inuk nissumigut anniartarpoq suliaritereernermeri kingorna, qammatinilu arfinilinni napparsimanini pissutigalugu sulisinnaanani angerlarsimavoq. Taamaattumik Inuup peqqinnissaqarfimmi siunnersorti attavigivaa. Peqqinnissaqarfimmi siunnersortip oqarfigaa Inuk naammagittaaliorsinnaatitaasoq, sulisinnaannginnermi annaasaqaatiminut taarsiiffigitinnissaminut qinnuteqarsinnaasoq. Inuup nittartagaq aqutigalugu naammagittaalliornissamut immersugassaq immersorpaa, sulisinnaannginnermilu annaasaqaatiminut taarsiiffigitinnissamut qinnuteqarluni.



Nakorsaaneqarfiup Inuup naammagittaalliutaat tiguaat suliarlu misissorlugu, Inuup taarsiiffigitinnissaminut qinnuteqaataa Peqqis-sutsimut Naalakkersuisoqarfimmut nassiuppaat. Naammagittaalliutaata suliarineqarnerani Inuk oqaaseqartinniarlugu suliamik sulia-qartunit assigiinngitsunit attavigineqarpoq naammagittaalliutaanut tunngatillugu. Nakorsaaneqarfiup Inuup naammagittaalliutaat Danmarkimi Styrelsen for Patientklager-mut nassiunneqarpoq. Taakku suliaq suliaraat allakkallu Inummut napparsimmavimmullu utertillugit nassiuppaat. Nunatsinni Napparsimasut Maalaarutaannik Aalajangiisartut inaarutaasumik aalajangiippuit.

Naammagittaalliummut tunngatillugu Inuk isumaqtigineqarpoq. Napparsimasut Maalaarutaannik Aalajangiisartut napparsimmavimmi peqqissaasut, Inummik isumaginnittut, uparuarpaat avoqqaaralugillu. Tassungalu ilanngullugu piffissamut Inuup nissumigut anniarluni sulisinnaannginnerminut Inuk taarsiiffigitissalluni.

